



NEWSLETTER OLIMPIJSKOG KOMITETA BIH

No. 25, juli/avgust 2024



Poštovani građani Bosne i Hercegovine,
Dragi sportisti i sportski prijatelji,

Nakon završenih Olimpijskih igara u Parizu, želimo iskoristiti priliku da se obratimo svim građanima Bosne i Hercegovine, našim sportistima, trenerima i svima koji su podržavali naš Olimpijski tim.

Ove Igre su bile globalna sportska scena na kojoj se još jednom pokazala snaga sportskog duha, upornosti i zajedništva koje nosimo u sebi. Naši sportisti su heroine i heroji, koji su iz naših uslova odveli Bosnu i Hercegovinu na planetarni događaj gdje se 206 zemalja i 10.500 sportistkinja i sportista borilo za prestiž u duhu univerzalnog olimpijskog gesla, brže, više, jače, ali i zajedno.

Dragi sportisti,

Vi ste dostoјno predstavljali našu domovinu, boreći se srcem i dušom, dajući sve od sebe u svim disciplinama. Vaša predanost i trud su za svaku pohvalu.

Želimo se posebno zahvaliti svakom treneru i članu Olimpijskog tima koji su neumorno radili i pripremali sportiste za ove Igre. Vaš trud i zalaganje ne prolaze nezapaženo. Također, hvala svima koji su bili uz naše sportiste, od porodica do navijača, koji su svojim bodrenjem i podrškom doprinijeli stvaranju pozitivne atmosfere i motivacije. Hvala vam što ste zajedno s nama dijelili trenutke radosti, nade, ali i izazova. Hvala Larisa, Lana, Aleksandra, Mesude i Jovane i hvala još jednom vašim porodicama, klubovima i savezima!

Olimpijske igre su više od samih sportskih takmičenja. One su platforma za promovisanje mira, prijateljstva i razumijevanja među narodima. Ponosni smo na naše sportiste jer su dostoјno predstavljali našu zemlju, pokazujući svima da i mi, kao mala, ali srčana nacija, imamo potencijal za rezultate na globalnoj sportskoj sceni.

Iako se nismo vratili sa medaljom, koju smo svi priželjkivali, svaki nastup, svaki korak na tatamiju, svaki zaveslaj u bazenu, svaki izbačaj, bio je zlatan na svoj način. Naučili smo vrijedne lekcije, stekli nova iskustva i postavili temelje za buduće uspjehe.

Naša zemlja nastavlja da vjeruje u svoje sportiste i njihovu sposobnost da ostvare velike snove. Zajedno moramo raditi na tome da stvorimo još bolje uslove za sport u Bosni i Hercegovini, kako bi buduće generacije imale priliku da ostvare vrhunske rezultate na najvećim svjetskim pozornicama.

Idemo naprijed odlučni da uz kvalitetniju i sistemsku podršku države Bosne i Hercegovine, ostvarimo još veće uspjehe u budućnosti.

Hvala!

Predsjedništvo Olimpijskog komiteta Bosne i Hercegovine

**Akademik prof. dr Izet Rađo, predsjednik
Gosp. Marijan Kvesić, potpredsjednik
Prof. dr Milanko Mučibabić, potpredsjednik**

#BIH
#OKBiH
#BIHTeam
#Paris2024
#LosAngeles2028

BIH OLIMPIJSKI TIM #ROADTOPARIS

Larisa Cerić
judo +78 kg

Aleksandra Samardžić
judo -70 kg

Lana Pudar
plivanje - 100m & 200m delfin stil

Mesud Pezer
atletika - bacanje kugle

Jovan Lekić
plivanje - 400m slobodni stil

OLYMPIC COMMITTEE OF BOSNIA AND HERZEGOVINA

PARIS 2024

PONOSNI PARTNER OLIMPIJSKOG KOMITETA BOSNE I HERCEGOVINE

bh Moja priča.

LUTRIJA
BOSNA I HERCEGOVINA

Coca-Cola

NUMBER?

HIFA PETROL

MEĐUNARODNI OLIMPIJSKI KOMITET ODRŽAO OKRUGLI STO ZA BUDUĆE ORGANIZATORE OLIMPIJSKIH IGARA ZA MLADE



Dana 6. avgusta, Međunarodni olimpijski komitet (MOK) organizovao je Okrugli sto na temu budućih izdanja Olimpijskih igara za mlade (YOG). Na sastanak su bili pozvani svi potencijalni i zainteresovani organizatori, a cilj je bio prezentovati novi pristup organizaciji ovih igara.

Na sastanku je predstavljen fleksibilniji pristup realizaciji aktivnosti, izbora sportova i ceremonija. Poseban naglasak stavljen je na podršku kulturnim i edukativnim programima koji će okupiti mlade iz cijelog svijeta. Takođe, istaknuta je važnost uvođenja novih sportova na YOG-u koji bi mogli

postati olimpijski sportovi u budućnosti. MOK je istakao da su Olimpijske igre za mlade odličan alat za izgradnju ili poboljšanje sportske infrastrukture, kao i za mobilizaciju mlađih u školama i klubovima. Takođe, naglašena je važnost održivosti, naslijeda i prilagođavanja lokalnom kontekstu, uz promociju lokalne kulture i tradicije.

Ispred Olimpijskog komiteta Bosne i Hercegovine, sastanku su prisustvovali predsjednik akademik prof. dr Izet Rađo i generalni sekretar doc. dr Said Fazlagić.

Olimpijski komitet Bosne i Hercegovine će nastaviti aktivnosti na promociji ideje da Sarajevo i Istočno Sarajevo postanu domaćini jedne od budućih edicija Zimskih olimpijskih igara za mlade (YOG).



OK BIH I ČELNICI OLIMPIJSKIH KOMITETA IZ REGIONA RAZGOVARALI O KANDIDATURI ZA YOUTH OLYMPIC GAMES



Olimpijski komitet Bosne i Hercegovine, u saradnji sa Jet Set Sports i gospodinom Dizdarevićem, okupio je regionalne olimpijske komitete u Parizu, u nedjelju 4. augusta. Prisutni su razgovarali o budućim koracima kandidature Sarajeva i Istočnog Sarajeva za domaćinstvo Youth Olympic Games.

Ovom prilikom analizirana je inicijativa kandidature, njene prednosti i potrebe, te mogućnost zajedničke podrške nakon dobijanja potrebnih saglasnosti od nadležnih ministarstava i tijela BiH. Regionalni olimpijski komiteti su još jednom izrazili punu podršku kandidaturi.

Ovaj sastanak je bila izvrsna prilika za razmjenu ideja i strategija, kao i za jačanje partnerstava ključnih za uspjeh kandidature. Gospodin Dizdarević, kao značajan partner OK BiH, pozdravlja ideju domaćinstva Youth Olympic Games u Sarajevu kao što je podržao i organizaciju EYOF-a u Sarajevu i Istočnom Sarajevu 2019. godine.

Olimpijski komitet BiH nastavlja s naporima da Sarajevo i Istočno Sarajevo ponovo postanu središta olimpijskih dešavanja, koristeći bogato sportsko i olimpijsko naslijeđe. Realizacijom YOG-a obnovila bi se olimpijska borilišta i kreirali regionalni centri za sportove koji su na programu Igara.

Inicijativa za kandidaturu predstavlja veliki korak naprijed za promociju sporta i mladih u Bosni i Hercegovini, te doprinosi jačanju međunarodne sportske saradnje.



Coca-Cola Coca-Cola Coca-Cola Coca-Cola

PREDSJEDAVAJUĆI PREDSTAVNIČKOG DOMA PARLAMENTA FEDERACIJE BIH DRAGAN MIOKOVIĆ, POSJETIO OK BIH



Predsjednik OK BiH prof. dr. Izet Rađo i generalni sekretar OK BiH doc. dr Said Fazlagić primili su u radnu posjetu predsjedavajućeg Predstavničkog doma Parlamenta Federacije BiH Dragana Miokovića.

Predsjednik Rađo i generalni sekretar Fazlagić upoznali su predsjedavajućeg Miokovića o radu i aktivnostima Olimpijskog komiteta BiH, a posebno o završnim pripremama za Olimpijske igre „Pariz 2024“.

Također su predsjedavajućeg Miokovića

detaljno upoznali sa 9 zaključaka Okruglog stola OK BiH koji detaljno govore o nepostojanju sistemskog finansiranja vrhunskog sporta i o načinu prevazilaženja istog.

Predsjedavajući Mioković je pokazao veliko razumijevanje o radu Olimpijskog komiteta BiH kao i za problematiku finansiranja vrhunskog sporta BiH.

Predsjednik Rađo je zamolio predsjedavajućeg Miokovića da se aktualizira usvajanje Zakona o sportu



na Federalnom nivou, da se uvećaju sredstva u skladu sa zaključcima Okruglog stola OK BiH, te da se formiraju posebni fondovi za „mlade“ i evidentne olimpijce i reprezentativne selekcije.

Olimpijski komitet BiH je veoma zahvalan na posjeti kao i na inicijativi predsjedavajućeg Miokovića, te očekuju da i drugi nivoi vlasti razgovaraju i posjete Olimpijski komitet BiH sa ciljem unapređenja sportskog sistema BiH.



Moja priča.



Moja priča.



Moja priča.



Moja priča.

ČELNICI OLIMPIJSKOG KOMITETA BIH POSJETILI UNIVERZITET U ISTOČNOM SARAJEVU



Predsjednik Olimpijskog komiteta Bosne i Hercegovine akademik prof. dr Izet Rađo i potpredsjednik OK BiH prof. dr Milanko Mučibabić posjetili su Univerzitet Istočno Sarajevo gdje im je gostoprимство ukazao rektor prof. dr Milan Kuljić.

Tema sastanka je bila saradnja Olimpijskog komiteta Bosne i Hercegovine i Univerziteta Istočno Sarajevo na polju međunarodnih i projekata Evropske unije, edukaciji sportista, sportskih radnika i sveukupno poboljšanje univerzitetskog sporta Bosne i Hercegovine.

SPORTSKI SAVEZ GRADA MOSTARA I OK BIH POTPISALI MEMORANDUM O RAZUMIJEVANJU

Predsjednik Olimpijskog komiteta BiH prof. dr. Izet Rađo i predsjednik Sportskog saveza Grada Mostara prof. dr. sc. Ekrem Čolakhodžić potpisali su Memorandum o razumijevanju.

Potpisom ovog dokumenta između institucija, kreirana je osnova za jačanje saradnje sa fokusom na vrhunski sport, edukaciju i razvoj vrhunskih



sportista, trenera i sportskih radnika, kao i osnova za širenje i promovisanje ideja olimpizma i olimpijskih vrijednosti među sportistima i u nastavnim programima.

Predsjednik OK BiH prof. dr. Izet Rađo i potpredsjednici OK BiH Marijan Kvesić i prof. dr. Milanko Mučibabić iskoristili su priliku da delegaciju Sportskog saveza Grada Mostara upoznaju sa radom i planovima Olimpijskog komiteta BiH.

Također je razgovarano o potencijalima Grada Mostara, koji su nesumnjivo veliki, da se u dogledno vrijeme

kandidira za neko od velikih sportskih ili olimpijskih takmičenja u organizaciji MOK-a ili EOK-a.

Predsjednik OK BiH prof. dr. Izet Rađo je napomenuo da „Ovakva organizacija velikog takmičenja bi bila dodatni motiv za jačanje sportske infrastrukture kako bi Mostar dobio bazen olimpijskih dimenzija, multifunkcionalnu sportsku dvoranu i atletski stadion“.

Domaćini delegaciji Sportskog saveza Grada Mostara su bili: predsjednik OK BiH prof. dr. Izet Rađo, potpredsjednici OK BiH Marijan Kvesić i prof. dr. Milanko Mučibabić, generalni sekretar OK BiH doc. dr. Said Fazlagić, te članovi Izvršnog komiteta OK BiH.



PREDsjEDNIK OK BIH POSJETIO AMBASADORA FRANCUSKE U BOSNI I HERCEGOVINI NJ. E. FRANCOIS DELMAS



Predsjednika OK BiH akad. prof. dr Izeta Rađu primio je na radnom sastanku Ambasador Francuske u BiH Nj. E. Francois Delmas. U ugodnom razgovoru predsjednik OK BiH akademik prof. dr Izet Rađo je prenio impresije sa Olimpijskih igara "Pariz 2024" čija je organizacija bila izvanredna, te je naglasio da su Igre bile inovativne, odražavale održivi razvoj i promovisale različitost i inkluzivnost. Predsjednik je još jednom pohvalio bosanskohercegovački olimpijski tim, sportiste i trenere koji su BiH odveli na planetarni događaj - Olimpijske igre "Pariz 2024". Takođe je istakao da je za vrijeme Igra održan sastanak sa čelnicima Međunarodnog olimpijskog komiteta kako bi se razgovaralo o kandidaturi Sarajeva i Istočnog Sarajeva za YOG 2032, te je istakao da OK BiH ima podršku evropskih NOK-ova za domaćinstvo Omladinskih olimpijskih igara 2032.

Budući da je ambasador Delmas pokazao veliko interesovanje za problematiku vrhunskog sporta BiH, te pitanje poboljšanja sportskog sistema u BiH, predsjednik Rađo ga je upoznao sa 9 zaključaka Okruglog stola OK BiH koji predstavljaju algoritam za rješenje i integraciju sportskog sistema u BiH. Predsjednik OK BiH je nakon sastanka izjavio "Zahvaljujemo Nj. E. na razumijevanju i podršci. Osjećamo da imamo prijatelja i partnera za zajedničko djelovanje sa ciljem poboljšanja uslova za sportiste i afirmisanje sporta kao najboljeg medijatora u integraciji i promociji Bosne i Hercegovine".

OK BIH I ATLETSKI SAVEZ BIH POTPISALI UGOVOR ZA „TEHNIČKI KURS ZA TRENERE 2024“



Predsjednik OK BiH prof. dr. Izet Rađo i potpredsjednik Atletskog saveza BiH Suad Kaknjo, potpisali su u prostorijama OK BiH Ugovor za realizaciju projekta „Tehnički kurs za trenerе 2024“. Tehnički kurs za trenerе će se održati od 17. do 22. septembra 2024. godine pod rukovodstvom internacionalnog eksperta gospodina Olivera Scheera iz Njemačke. Projekat ima za cilj da trenerima iz BiH ponudi edukaciju u skladu sa standardima Internacionalne atletske federacije.

„Atletski savez BiH je jedna od proaktivnijih članica Olimpijskog komiteta BiH sa značajnim sportskim uspjesima na međunarodnoj sceni. Sigurni smo da će edukacija pod jurisdikcijom Međunarodnog olimpijskog komiteta i međunarodnih i domaćih eksperata u mnogome doprinijeti poboljšanju trenažnih procesa i postizanju vrhunskih rezultata naših sportista“, rekao je predsjednik OK BiH prof. dr. Izet Rađo.

OLIMPIJSKE IGRE • PARIZ 2024



Olimpijske igre Pariz 2024 je po treći put ugostila francuska prijestolnica nakon 1900. i 1924. godine. Ovo najviše međunarodno višesportsko takmičenje koje je okupilo najbolje među najboljim sportistima svijeta održano je od 26. jula do 11. avgusta 2024. godine.

Igre su sadržavale mješavinu istorijskih i modernih mjesta, uključujući kulturna mjesta kao što su Stade de France, Roland Garros i Champ de Mars, a Ajfelov toranj je bio zadržljivo pozadina za nekoliko događaja. Približno 10.500 sportista iz cijelog svijeta takmičilo se u 32 sporta, sa 329 događaja u različitim disciplinama. Dodatak sportskom programu su bili sportovi: surfanje, skateboard, sportsko penjanje i breaking.

Olimpijske igre Pariz 2024 su bile spektakularna proslava snage sporta, međunarodnog prijateljstva i trajnog duha Olimpijskog pokreta.

SVEČANO PREDSTAVLJANJE OLIMPIJSKOG TIMA BOSNE I HERCEGOVINE NA KONFERENCIJI ZA MEDIJE

Bosnu i Hercegovinu na Olimpijskim igrama Pariz 2024 predstavljali su sportisti: Lana Pudar, Larisa Cerić, Aleksandra Samardžić, Mesud Pezer i Jovan Lekić.

U prostorijama Olimpijskog komiteta Bosne i Hercegovine bh. tim olimpijaca je svečano predstavljen 19. jula 2024. godine.

Prilikom predstavljanja naših najboljih sportista prisutnima se obratio predsjednik Olimpijskog komiteta BiH, Izet Rađo, koji je rekao: „Ispred nas sjede heroine i heroji, koji su BiH odveli na planetarni i najveći sportski događaj gdje se 206 zemalja i 10.500 sportistkinja i sportista bore za prestiž, bore u duhu univerzalnog olimpijskog gesla, brže, više, jače, ali i zajedno... Svaki vaš napor, korak, svaka suza i osmijeh, doveli su nas do ovog momenta. Sada je vrijeme da zajedno ispišemo istoriju, da na OI u Parizu, nastupite hrabro i postignite vaš maksimum, da ostvarite vaše olimpijske snove i da na najbolji način predstavite svoju zemlju Bosnu i Hercegovinu. Zašto ste danas heroine i heroji, zato što ste se izborili i uspjeli da svojim trudom, naporom i odricanjem, preskočite visoko kodirane olimpijske norme i da od populacije koja broji 7.5 milijardi ljudi na ovoj našoj zemaljskoj kugli, budete među 10.500 heroja i heroina koji će se boriti za odličja, za medalje, za rekorde... Svi koji osvoje medalje su super heroine i super heroji, koje kroz istoriju slavi cijeli svijet. U ime Olimpijske porodice BiH, želim se zahvaliti i vašim porodicama, trenerima, klubovima i savezima koji su uložili veliki trud i iskazali veliku posvećenost na putu ka vašim olimpijskim snovima.“





Prisutnim su se obratili i ministrica civilnih poslova BiH Dubravka Bošnjak, predsjedavajući Predstavničkog doma Parlamenta Federacije BiH Dragan Mioković, ministrica kulture i sporta Federacije BiH Sanja Vlaisavljević te Ambasador Francuske u Bosni i Hercegovini NJ.E. Francois Delmas. Šef misije, generalni sekretar OK BiH doc. dr Said Fazlagić predstavio je bh. olimpijski tim:

PLIVANJE

Lana Pudar
Jovan Lekić
Damir Đedović, trener
Goran Grahovac, trener

DŽUDO

Larisa Cerić
Aleksandra Samardžić
Branislav Crnogorac, trener
Arijana Jaha, trener

ATLETIKA

Mesud Pezer
Mehmed Skender, trener
FIZIOTERAPEUT
Miodrag Ranđelović

Svoje nade i očekivanja su iznijeli svi naši olimpijci, kao i prisutni treneri koji su se zahvalili Olimpijskom komitetu BiH na velikoj podršci tokom četvorogodišnjeg ciklusa priprema za ostvarenje Olimpijske norme i koji su obećali dati svoj maksimum i ostvariti najbolje rezultate.

Kompletnu vijest pročitajte [OVDJE](#), a video press konferencije možete pogledati na [OVOM LINKU](#). Takođe, promotivna brošura bh. tima je dostupna [OVDJE](#).



RAZGOVORI SA ČLANOVIMA BIH OLIMPIJSKOG TIMA OI PARIZ 2024



U susret Olimpijskim igrama Pariz 2024, doc. dr Said Fazlagić, generalni sekretar Olimpijskog komiteta Bosne i Hercegovine i šef misije OI Pariz 2024 je razgovarao sa našim olimpijcima i trenerima uoči njihovog odlaska na XXXIII ljetne olimpijske igre Pariz 2024.

Razgovor sa atletičarem Mesudom Pezerom i njegovim trenerom Mehmedom Skenderom pogledajte [OVDJE](#).

Razgovor sa džudistkinjom Aleksandrom Samardžić i trenerom prof. dr Branislavom Crnogorcem pogledajte [OVDJE](#).

Razgovor sa plivačem Jovanom Lekićem pogledajte [OVDJE](#).

SVEČANO OTVARANJE XXXIII OLIMPIJSKIH IGARA!

Na spektakularnoj ceremoniji 26. jula 2024. godine u glavnom gradu Francuske, paljenjem Olimpijskog plamena svečano su otvorene XXXIII Olimpijske igre „Pariz 2024“.

Prvi put u istoriji, ceremonija se održala van tradicionalnog stadiona, na čuvenoj rijeci Seni, koja protiče kroz srce Pariza. Uz više od 160 brodova delegacije iz preko 200 zemalja kreirale su flotu, nezaboravnu za sve gledaoce. Ceremonija se održala pod sloganom "Games wide open" (Igre širom otvorene), koja ima za cilj da Olimpijske igre budu otvorene za sve, bez obzira na porijeklo, spol ili sposobnosti. Cilj je učiniti Igre pristupačnim i inkluzivnim za sportiste i gledatelje iz svih slojeva društva. Slogan na simboličan način odražava duh Olimpijskih igara kao platforme za globalnu povezanost, inovaciju i inkluziju.

U dijelu ceremonije otvaranja koja predstavlja delegacije svijeta koje se takmiče na Olimpijskim igrama, BiH tim od pet sportista predvodili su nosioci zastave Larisa Cerić i Mesud Pezer.



Copyright: © Lars Baron/Getty Images

PREDSJEDAVAĆI PREDSJEDNIŠTVA BIH, NJ. E. DENIS BEĆIROVIĆ U POSJETI BIH OLIMPIJSKOM TIMU



Predsjedavači Predsjedništva BiH, Nj. E. Denis Bećirović, posjetio je olimpijski tim naše države u Olimpijskom selu u Parizu. Tokom posjete, predsjedavajući je obišao smještajne kapacitete, trenere i članove stručnog štaba, pruživši podršku i motivaciju našim sportistima pred predstojeća takmičenja, te je simbolično potpisao Mural olimpijskog primirja u selu.

“Ovo je trenutak kada cijela Bosna i Hercegovina stoji iza vas. Vaš trud i posvećenost su nas već učinili ponosnim,” izjavio je predsjedavajući prilikom susreta s timom. “Vjerujem u vaše sposobnosti i siguran sam da ćete nas dostoјno predstavljati na najprestižnijem međunarodnom višesportskom takmičenju.”

Predsjedavajući je sportistima poželio sreću, naglasivši važnost timskog duha i međusobne podrške. Također je razgovarao sa sportistima o njihovim očekivanjima i ciljevima, pohvalivši njihovu dosadašnju pripremu i postignuća. Ovo je prvi put da Olimpijski tim BiH, podrže najviši državni zvaničnici pred njihov nastup na najvećoj svjetskoj smotri sporta, kao što je to uobičajena praksa timova iz drugih zemalja koji podržavaju i bodre svoje sportiste.

“Zahvalni smo na posjeti predsjedavajućeg. Sportistima mnogo znači podrška najviših državnih zvaničnika. Potrudit ćemo se da damo sve od sebe na nastupu,” izjavio je Mesud Pezer u ime BH Olimpijskog tima.

Prisustvo predsjedavajućeg, kao i riječi podrške dodatno su podigli moral i motivaciju tima. Građani naše zemlje su sa velikim nestrpljenjem pratili dešavanja iz Olimpijskog sela i pružili podršku bh. olimpijskom timu, sa svih krajeva svijeta.

BH OLIMPIJSKI TIM OBRADOVAN POSJETOM MINISTRICE CIVILNIH POSLOVA, DUBRAVKE BOŠNJAK



Ministrica civilnih poslova nadležna za sport, Dubravka Bošnjak, posjetila je Olimpijsko selo u Parizu i imala priliku razgovarati s članovima BH Olimpijskog tima koji su nastupali na OI Pariz. Ministrica je razgovarala sa sportistima, trenerima i članovima delegacije, pružajući im podršku i motivaciju, te je uručila prigodne poklone članovima tima kao znak podrške i zahvalnosti.

„Veliko mi je zadovoljstvo da sam imala priliku da posjetim Olimpijsko selo i sretnem se sa BH Olimpijskim timom te da im još jednom poželim mnogo uspjeha na naticanjima“

izjavila je ministrica Bošnjak. „Stojimo uz naše sportiste, vjerujemo u njihov uspjeh na Ljetnim olimpijskim igrama u Parizu.“

BH olimpijski tim izrazio je duboku zahvalnost za posjetu i podršku koju su primili od ministricu Bošnjak. „Posjete visokih zvaničnika BH Olimpijskom timu su dokaz da se stvari mijenjaju na bolje,“ izjavio je Mesud Pezer. „Osjećamo se podržani i cijenjeni. Zahvalni smo ministrici Bošnjak na njenoj posjeti i ohrabrenju. Sigurni smo da će nam ova podrška pomoći da damo najbolje od sebe na Igrama.“ Više na [ovom linku](#).

NAJVIŠI DRŽAVNICI BIH UZ OLIMPIJSKI TIM NA OI PARIZ 2024!

BiH olimpijce Lanu Pudar i Jovana Lekića sa tribina su bodrili predstavnici države Bosne i Hercegovine, predsjedavajući Predsjedništva Bosne i Hercegovine NJ.E. Denis Bećirović, ministrica civilnih poslova Bosne i Hercegovine Dubravka Bošnjak, ispred Olimpijskog komiteta Bosne i Hercegovine predsjednik akad. prof. dr Izet Rađo, potpredsjednici Olimpijskog komiteta BiH Marijan Kvesić i prof. dr Milanko Mučibabić, kao i generalni sekretar OK BiH, šef misije OI Pariz 2024 doc. dr Said Fazlagić.

Podrška državnih predstavnika na poseban način podiže moral sportistima, na čemu je Olimpijski komitet Bosne i Hercegovine izuzetno zahvalan, naročito što su prvi put kao predstavnici Države zajedno sa Olimpijskim timom proveli značajno vrijeme u Olimpijskom selu, Ceremoniji otvaranja Igara, te bodreći bh. Olimpijski tim na olimpijskim borilištima. Uvjereni smo da ćemo zajedničkim snagama i neophodnom sinergijom raditi na poboljšanju uslova za vrhunske sportiste Bosne i Hercegovine.



DELEGACIJA OLIMPIJSKOG KOMITETA BOSNE I HERCEGOVINE U POSJETI AMBASADI BIH U PARIZU



Na poziv Ambasadorice Bosne i Hercegovine u Francuskoj, NJ.E. Bojane Kondić Panić, predstavnici Olimpijskog komiteta Bosne i Hercegovine posjetili su sjedište Ambasade Bosne i Hercegovine u Parizu, gdje ih je ugostila Ambasadorica Bosne i Hercegovine u Francuskoj, NJ.E. Bojana Kondić Panić i ministar-savjetnik g-đa Sanja Kenig-Čorović. Ovaj značajan susret označio je još jedan korak u jačanju odnosa između sportskih institucija i diplomatskih predstavništava Bosne i Hercegovine. Delegaciju Olimpijskog komiteta predvodio je predsjednik OK BiH, akademik prof. dr Izet Rađo zajedno sa potpredsjednikom OK BiH prof. dr Milankom Mučibabićem i generalnim sekretarom OK BiH doc. dr Saidom Fazlagićem.

Tokom susreta, razgovarano je o trenutnom stanju i rezultatima bosanskohercegovačkih sportista na Olimpijskim igrama, kao i o izazovima i mogućnostima za budući razvoj sporta u Bosni i Hercegovini. Predstavnici OK BiH su istakli značaj institucionalne podrške za uspjeh sportista, te su izrazili zahvalnost Ambasadi BiH na pozivu za prijem koji je upriličen u sjedištu Ambasade Bosne i Hercegovine. Više o posjeti na linku [OVDJE](#).

BOSNA I HERCEGOVINA SE U PARIZU PREDSTAVILA I SPORTSKI I KULTURNO-UMJETNIČKI




Pariz je po treći put domaćin ljetnih Olimpijskih igara, 124 godine nakon prvih Igara 1900. godine u Parizu i 100 godina nakon drugog domaćinstva Igara koje su održane 1924. godine. Tačno 124 godine prošlo je od Svjetske izložbe u Parizu, gdje je bio postavljen prvi paviljon Bosne i Hercegovine. Iako tada mlada i nepoznata zemlja svijetu, Bosna i Hercegovina se predstavila sa raznolikom kulturom i istorijom.

Zahvaljujući inicijativi Olimpijskog muzeja i Ureda za Kreativni Izvoz, te finansijskoj podršci Ministarstva kulture i sporta Kantona Sarajevo, Bosna i Hercegovina se ponovo vratila na istu lokaciju, na rijeku Senu, gdje su ove godine održani kulturno-umjetnički programi (Olympiad Culturelle) na više lokacija (Olympic Houses) na kojim zemlje učesnice predstavljale svoju tradiciju i kulturu. Ovaj put, u paviljonu naše zemlje, koji je

bio smješten na prvom plutajućem u urbanom umjetničkom centru, Fluctuart, u Parizu, predstavljena je bogata istorija, olimpijsko naslijede, ali i sve ono što spaja našu zemlju sa Francuskom: kultura, sport i umjetnost.

Olimpijske igre su poslale poruku zajedništva i mira, simbolizirale različitost, toleranciju, uticale na naša društva i zapravo komunicirale univerzalnim jezikom koji nadilazi granice. Više o ovoj izuzetnoj inicijativi i međunarodnom predstavljanju Bosne i Hercegovine pročitajte [OVDJE](#).



REZULTATI BIH OLIMPIJSKOG TIMA PARIZ 2024

Na XXXIII Olimpijskim igrama Pariz 2024 bh. sportisti su nastupili u tri sporta i ukupno 6 disciplina.

Najbolji rezultat ostvarila je trostruka olimpijka Larisa Ceric koja je u kategoriji +78kg ostvarila plasman na visoku sedmu poziciju.

Druga predstavnica u džudou, Aleksandra Samardzic je svoj debitantski nastup završila među 16 najboljih olimpijki u kategoriji do 70kg.

Dvostruka olimpijka, Lana Pudar je nastupila u disciplinama 100 metara (17. pozicija u kvalifikacijama) i 200 metara leptir gdje je ostvarila plasman na 12. mjesto.

Atletičar, trostruki olimpijac, Mesud Pezer je u kvalifikacijama ostvario plasman na 26. poziciju u ukupnom poretku.

Plivač Jovan Lekic je u svom prvom nastupu na Olimpijskim igrama zauzeo 30. poziciju u disciplini 400 metara slobodnim stilom.

Utiske Larise Cerice nakon osvojenog sedmog mjesta na OI pročitajte na [OVOM LINKU](#), a izjavu Mesuda Pezera nakon nastupa pročitajte [OVDJE](#).

Javnosti se obratila i Lana Pudar saopštenjem koje se nalazi na [OVOM LINKU](#), a video izjavu trenera prof. dr Branislava Crnogorca o nastupu džudo predstavnika na Olimpijskim igrama poslušajte [OVDJE](#).

Čestitamo i zahvaljujemo se našim sportistima, njihovim trenerima, porodicama, klubovima i savezima! Želimo im sreću i uspjeh u predstojećim sportskim podvizima, a mi ćemo nastaviti da ih podržavamo kao i do sada!

#OKBiH

#BIHTeam

#Paris2024

#Olympics

#RoadToLosAngeles2028



SVEČANO ZATVARANJE OLIMPIJSKIH IGARA PARIZ 2024

Ceremonija zatvaranja Olimpijskih igara Pariz 2024 održana je 11. avgusta na Stade de France. Ovaj događaj je zaključio 17 dana uzbudljivih takmičenja i proslava najprestižnijeg međunarodnog višesportskog takmičenja, Olimpijskih igara. Ceremonija zatvaranja je bila spektakularna predstava na kojoj je nastupilo preko stotinu izvođača. Umjetnički performans je prikazao vizuelne spektakle, koji su zajedno sa ogromnim scenografijama, kostimima i svjetlosnim efektima na svečan način zatvorili XXXIII izdanje ljetne Olimpijade.

Uz tradicionalni defile sportista, upriličena je i ceremonija dodjele medalja za završne discipline.

Zastavu Bosne i Hercegovine na Ceremoniji zatvaranja nosila je olimpijka Lana Pudar.




Tokom Ceremonije su se obratili predsjednik Organizacionog odbora Pariz2024, Tony Estanguet i predsjednik Međunarodnog olimpijskog komiteta dr Thomas Bach, nakon čega je uz sruštanje Olimpijske zastave intonirana Olimpijska himna. Uslijedila je i primopredaja Olimpijske zastave Gradonačelnici organizatora narednih ljetnih Igara Los Andeles 2028, te izvođenje

himne Sjedinjenih Američkih Država. Gašenjem Olimpijskog plamena, izvođenjem numere My Way i tradicionalnim vatrometom završeno je 33. izdanje ljetnih Olimpijskih igara u glavnom gradu Francuske.

Čestitamo i zahvaljujemo se našem Olimpijskom timu - sportistima, njihovim trenerima, porodicama, klubovima i savezima.

Do narednih Igara...CITIUS, ALTIUS, FORTIUS!



SPORTSKI SAVEZI BOSNE I HERCEGOVINE

PREDSJEDNIŠTVO OLIMPIJSKOG KOMITETA BIH ODRŽALO 3 MEDIJACIJE SA PREDSTAVNICIMA SPORTSKIH SAVEZA BIH



Predsjednik OK BiH prof. dr. Izet Rađo, potpredsjednici OK BiH Marijan Kvesić i prof. dr. Milanko Mučibabić, te generalni sekretar OK BiH doc. dr. Said Fazlagić održali su 3 sastanka/medijacije sa predstavnicima entitetskih i državnih saveza iz biciklizma, odbojke i boksa.

Trenutne poteškoće, odnosno nejasnoće u funkcionisanju državnih saveza ova tri sporta, okupili su u prostorijama OK BiH mnogobrojne čelnike i delegacije sportskih radnika, a sve u cilju iznalaženja najboljih i najkvalitetnijih rješenja za dobrobit sportista i sporta na nivou BiH.

Uz aktivno učešće predstavnika biciklističkog i odbojkaškog sporta, doneseni su jednoglasni zaključci, gdje su sve strane uz saglasnost i svojeručne potpise svjedočili da će u pozitivnom duhu uz uvažavanje, poštovanje i uzajamno pomaganje učiniti sve napore da u budućnosti savezi rade u harmoničnoj atmosferi i isključivo za dobrobit sportista.

Olimpijski komitet BiH je dao punu podršku u rješavanju nastalih nejasnoća i oprečnih mišljenja, te svojom medijacijom pomaže da se dođe do najkvalitetnijih rješenja na zadovoljstvo svih subjekata sporta, a u cilju jačanja sportskog sistema Bosne i Hercegovine.



MUŠKA KADETSKA RUKOMETNA REPREZENTACIJA BOSNE I HERCEGOVINE (U18) OSVOJILA EHF CHAMPIONSHIP U SLOVAČKOJ



Muška kadetska (U18) rukometna reprezentacija Bosne i Hercegovine osvojila je EHF Championship u Slovačkoj, što je u stvari nekadašnje Evropsko prvenstvo divizije B. Mladi bosanskohercegovački rukometaši u finalu su deklasirali selekciju Latvije rezultatom 38:26.

Bh. kadeti su samim plasmanom u finale izborili direktni nastup na Evropsko prvenstvo 2026 za mlade rukometaše, a protiv Latvije su pokazali da imaju veliki potencijal, koji treba čuvati i njegovati u godinama pred nama. U finalnom susretu najefikasniji u bosanskohercegovačkom timu bio je Alen Hadžimuhamedović sa 12 golova. Za najkorisnijeg igrača (MVP) EHF Championshipa u Slovačkoj izabran je Alem Hadžić. Mihajlo Vujadinović je proglašen za najboljeg golmana, a Alen Hadžimuhamedović je bio najbolji srednji bek. Na putu do finala EHF Championshipa mladi bh. rukometaši su u grupnoj fazi ostvarili sve tri pobjede. Prvo su deklasirali Estoniju sa 43:23, a potom su bili bolji od Litvanije sa 33:30, dok su u trećem kolu nadigrali selekciju Turske sa 33:28. U polufinalnom duelu naša reprezentacija pobijedila je Nizozemu sa 29:25.

“Sigurno je da smo ispisali historiju našeg omladinskog rukometnog sporta. Sada se mora postaviti jasan i konkretan plan za dvije godine rada i pripremanje ekipe za odlazak na Evropsko prvenstvo. Baza igrača se mora još proširiti, određeni momci ozbiljnije tretirati, a okupljanja biti češća”, kazao je nakon EHF Championshipa selektor U18 reprezentacije Alen Hadžić.



“Ostvarili smo veliki uspjeh i to je bio naš san od samog početka. Mnogo smo se potrudili za ovo, bilo je teško. Trenirali smo i spremali se za ovo, a rad se na kraju isplatio. Mislim da bismo se trebali spremati bolje, a mi idemo kao i dosad sa sloganom i drugarstvom kako bismo ostvarili što bolji rezultat”, istakao je Alem Hadžić, MVP EHF Championshipa.

FOTO: SLOVAK HANDBALL FEDERATION

BIH PREDSTAVNICI SUDIJA/DELEGATA NA OI PARIZ 2024



Svjetska rukometna federacija (IHF), nominovala je sudijske parove i delegate za takmičenje na Olimpijskim igrama u Francuskoj. Na listi delegata bila je bosanskohercegovačka delegatkinja Arijana Jašarević Vojić, dok su kao sudijski par na Olimpijskim igrama bili naši arbitri Amar i Dino Konjičanin.

Arijani Vojic-Jasarevic, ovo su druge sudijske Olimpijske igre. Također je učestvovala na Svjetskom prvenstvu za rukometašice 2023. godine u svojstvu delegata.

Amaru i Dini Konjičanin, ovo je bilo prvo učešće na Olimpijskim igrama. Prethodno su bili arbitri na Svjetskom prvenstvu za rukometaše 2022. godine koje je održano u Mađarskoj i Slovačkoj, zatim na Svjetskom prvenstvu za rukometašice 2023. godine održanom u Danskoj, Švedskoj i Norveškoj, te na Evropskom prvenstvu 2024. godine gdje je domaćin bila Njemačka.

Ademiru Zurapović iz Košarkaškog saveza BiH koji je izabran od strane FIBA-e, ovo su bile druge po redu sudijske Olimpijske igre.

Zurapović je prije tri godine dijelio pravdu u finalu turnira na OI Tokyo 2020, kada je selekcija SAD osvojila zlato pobjedom nad Francuskom. U saopćenju FIBA-e navodi se da je 30 sudija odabrano s duže liste koja je prvobitno imala 40 kandidata. Oni su prošli kroz intenzivan i sveobuhvatan pripremni program koji je trajao 13 sedmica. Riječ je o sudijama s bogatim iskustvom, koji su već sudili na muškom ili ženskom FIBA Svjetskom prvenstvu u košarci, a ključni faktori koji su se uzimali u obzir uključuju taktičku svijest, proces donošenja odluka, timski rad, saradnju, mentalnu fleksibilnost i otpornost.

Pored Rukometnog saveza i Košarkaškog saveza BiH, svoje učešće kao supervizor sudija imao je i Nedim Mašić iz Saveza dizača tegova BiH.

IWF (Internacionalna Federacija Dizanja Tegova) je izabrala našeg internacionalnog sudiju 1. klase Nedima Mašića, koji je sudio više svjetskih i europskih prvenstava, kao i multikontinentalnih igara i prvenstava, da bude supervizor sudija na Olimpijskim igrama u Parizu.

Čestitamo!

EUROPSKO PRVENSTVO U GOLFU, BIH NA 10. MJESTU

Podmlađena golf reprezentacija BiH, u sastavu Robert Mandurić (GK Posušje), Tarik Đerzić (GK Krivaja), Dal Smajić i Anur Selmanagić (GK Sarajevo), zauzela je 10. mjesto u III diviziji Evropskog šampionata u Lihtenštajnu.

Najveći doprinos ekipi dali su najiskusniji član Robert Mandurić i najmlađi učesnik ovog Prvenstva, Anur Selmanagić (15 godina). Iz Saveza posebno ističu i veliku podršku i savjete koje su naši igrači dobili od reprezentacije Kipra:



“Iako smo izgubili od Kipra, podrška drugih učesnika je od izuzetne važnosti za nastavak takmičenja u golfu. Naši reprezentativci, zajedno s ekipom Ukrajine, spadaju među najmlađe timove na Evropskom prvenstvu, što im je omogućilo sticanje dragocjenog iskustva, kao i slast pobjede – što je značajan korak za buduće nastupe naših golfera.”

Također, podršku našim mladićima pružili su i predstavnici BH Fanatikosa, koji su svojim prisustvom na golf terenu u Lihtenštajnu izazvali oduševljenje u taboru reprezentacije Bosne i Hercegovine.

Našim mladim reprezentativcima čestitke na rezultatu ali i UO Golf Saveza BiH na hrabroj odluci da na Evropsko Prvenstvo pošalje mlađi tim.

OK BIH NOVČANO NAGRADIO TAEKWONDOISTE OSVAJAČE MEDALJA SA EVROPSKOG PRVENSTVA



U prostorijama Olimpijskog komiteta BiH predsjednik prof. dr. Izet Rađo, potpredsjednici Marijan Kvesić i prof. dr. Milanko Mučibabić, te generalni sekretar doc. dr. Said Fazlagić održali su prijem naših najboljih taekwondoista, osvajača srebrene i bronznih medalja, koji su na nedavno održanom Evropskom prvenstvu u Beogradu ostvarili vrijedne rezultate.

Čelnici Olimpijskog komiteta BiH su uručili prigodne novčane nagrade osvajačima

medalja, te im čestitali u ime Izvršnog komiteta Olimpijskog komiteta BiH i cijele Olimpijske porodice.

„Srebro Džejle Makaš i bronze Ade Avdagić i Nedžada Husića su prilika da se još jednom proslavi i nagradi uspjeh naših najboljih taekwondoista, kao i ostalih sportista iz taekwondo sporta koji postižu vrhunske rezultate u kontinuitetu i koji su plod odličnog rada Saveza, ali i trenerskih timova“, naglasio je predsjednik OK BiH prof. dr. Izet Rađo. Čestitamo osvajačima medalja, njihovim porodicama, trenerima, klubovima i Taekwondo savezu BiH.

POTPREDSJEDNIK OK BIH PROF. DR MILANKO MUČIBABIĆ UČESTVOVAO NA DŽUDO SEMINARU U ZVORNIKU



domaćin i organizator ovog Seminara.

Potpredsjednik Olimpijskog komiteta BiH prof. dr Milanko Mučibabić u svojstvu jednog od voditelja učestvovao je na džudo Seminaru koji se održao u Zvorniku uz učešće mnogobrojnih džudoka, trenera i poštovalaca džudo sporta. Seminaru je prisustvovao i Ognjen Pavlović predsjednik Džudo saveza Bosne i Hercegovine, koji je skupa sa Gradom Zvornikom

Ovom prilikom potpredsjednik OK BiH prof. dr Mučibabić sastao se sa gradonačelnikom Grada Zvornika Bojanom Ivanovićem, sa kojim je razgovarao o razvoju sporta, infrastrukture i pomoći perspektivnim sportistima i trenerima kroz projekte u cilju postizanja vrhunskih sportskih rezultata u toj regiji.

LEGENDARNI DŽEVAD ALIHODŽIĆ NOVI GENERALNI SEKRETAR KOŠARKAŠKOG SAVEZA BIH



Legendarni bosanskohercegovački košarkaš Dževad Alihodžić imenovan je za novog generalnog sekretara Košarkaškog saveza Bosne i Hercegovine.

Potvrđeno je to na zvaničnoj konferenciji za medije krovne kuće bh. košarke, a vijest je saopšio predsjednik Saveza Dalibor Miloš.

“Donijeli smo odluku o tome da je Dževad Alihodžić novi generalni sekretar i to je najbolja moguća vijest”, rekao je Miloš. Alihodžić, koji

je nosio dres reprezentacije u periodu od 1995. do 2001. godine, kaže da je željan da pruži doprinos razvoju košarke u Bosni i Hercegovini.

“Pronašli smo zajednički jezik i odlučio sam da probam dati doprinos kao generalni sekretar, da pokušamo napraviti pomak, da košarka u BiH ide naprijed. Odlučio sam sa Ijudima iz Upravnog odbora to i zahvalujem se Ijudima na povjerenju. Moramo svi dati svoj doprinos, košarka u BiH je sport sa tradicijom. Trebamo imati sve posloženo, da riješimo probleme koje imamo. Radit ću predano, dati sve od sebe i da pokušamo napraviti prije svega pozitivnu atmosferu”, istakao je Alihodžić, koji je najveće uspjehe ostvario sa reprezentacijom Jugoslavije 1988. godine, kada je postao svjetski juniorski prvak i kadetski prvak Evrope 1985. godine.

Alihodžić je ponikao u Čeliku, kasnije prešao u sarajevsku Bosnu, gdje je igrao do 1990. godine, a nakon toga je nosio dresove Cibone, Ulkerspora, Sankt Petersburg Lionsa, Strasbourg i Scafati Basketa. Izvor: Klix.ba

ODRŽAN CONTINENTAL BLIDINJE BIKE FESTIVAL



Od 12. do 14. jula 2024. godine u prekrasnom Parku prirode Blidinje održan je Continental Blidinje BIKE Festival, najveći biciklistički festival u našoj zemlji.

Olimpijski komitet BiH kao Specijalni partner Continental Blidinje BIKE Festivala, koji okuplja profesionalne i amaterske bicikliste, djecu, rekreativce i cijele porodice prepoznao je ovaj događaj kao ključni za promociju sporta, turizma i očuvanja prirode u Bosni i Hercegovini.

Biciklistički savez Bosne i Hercegovine, u suradnji s Međunarodnom biciklističkom federacijom (UCI), organizirao je i edukaciju za UCI trenere. Edukacija je održana u sklopu Continental Blidinje BIKE Festivala, a UCI je poslao svoje stručnjake iz Švicarske u Bosnu i Hercegovinu kako bi tokom osam dana predavanja prenijeli svoje znanje i iskustva na sportske radnike koji su registrirani i djeluju pri Biciklističkom savezu Bosne i Hercegovine.



Edukacija je od velikog značaja za razvoj biciklističkog sporta u Bosni i Hercegovini, a na svečanoj ceremoniji diplome su dodijelili predsjednik Olimpijskog komiteta Bosne i Hercegovine, prof. dr. Izet Rađo, ispred UCI - Međunarodne Biciklističke Federacije gđin. Gerard Pegon, te predsjednik Biciklističkog saveza BiH gđin. Toni Zorić. Biciklistički savez BiH ima jasnou viziju za budućnost, a Olimpijski komitet BiH će im biti maksimalna podrška na tom putu.



GREEN LAKE TRIATLON OKUPIO 80 TAKMIČARA IZ CIJELE BIH



Drugo izdanje Green Lake Triatlona, održano 21. jula 2024. godine u prelijepom okruženju Lisičića, Konjic, okupilo je 80 takmičara iz cijele Bosne i Hercegovine, koji su se natjecali u disciplinama sprinta i olimpijskog triatlona.

Ovo takmičenje, koje je ujedno bilo i Državno prvenstvo u olimpijskom triatlonu, potvrdilo je svoju važnost u kalendaru sportskih događaja u našoj zemlji. Lisičići, poznati po svojim prirodnim ljepotama, pružili su savršenu pozadinu za ovaj zahtjevni

sportski događaj, gdje su takmičari imali priliku uživati u nevjerovatnim pejzažima Jablaničkog jezera dok su testirali granice svoje izdržljivosti.

U olimpijskom triatlonu, na distanci koja uključuje 1500 metara plivanja, 40 kilometara biciklizma i 10 kilometara trčanja, najbolji rezultat ostvario je Belmin Godinjak, koji je na impresivan način osvojio prvo mjesto i ponio titulu državnog prvaka. Kod žena, Emina Alagić je pokazala izvanrednu snagu i izdržljivost, zauzevši prvo mjesto i postavši prvakinja olimpijskog triatlona.

Ovo drugo izdanje Green Lake Triatlona, koje je obuhvatilo i sprint triatlon, privuklo je ne samo iskusne triatlonce nego i one koji tek ulaze u svijet ovog izazovnog sporta. Organizator TK Feniks Sarajevo se pobrinuo da svi učesnici, bez obzira na nivo iskustva, imaju nezaboravno iskustvo.

Green Lake Triatlon se ističe kao događaj koji promoviše ne samo sport, nego i zajedništvo, zdrav način života i uživanje u prirodnim ljepotama naše zemlje. Organizacija je bila na visokom nivou, a svi učesnici i posjetioci mogli su uživati u izvanrednoj atmosferi i podršci lokalne zajednice.



ODRŽAN MEĐUNARODNI TENISKI TURNIR “PYRAMID CUP 2024”



kasno u noć, gdje je pobjedu odnijela Dunja Marić sa rezultatom 3-6; 1-6.

Ovom prilikom, predsjednik Olimpijskog komiteta BiH, akademik prof. dr. Izet Rađo je uručio nagrade finalisticama.

Organizator turnira bila je Fondacija ‘Arheološki park’ Bosanska piramida u saradnji s Olimpijskim komitetom BiH, Teniskim savezom BiH i Gradom Visoko.

U periodu od 18. do 21. jula 2024. godine, održan je međunarodni teniski turnir “Pyramid Cup 2024” u Arheološko-turističko-sportskom parku “Ravne 2” u Visokom.

U borbi za treće mjesto na turniru sastale su se dvije sjajne mlade nade bh. tenisa Suana Tucaković i Tea Kovačević.

Finalni meč turnira između Dee Herdželaš (BiH) i Dunje Marić (Srbija), je trajao do



KARATE FEDERACIJA JAPANA DONIRALA VRIJEDNU OPREMU KARATE SAVEZU BOSNE I HERCEGOVINE



U četvrtak, 1. avgusta 2024. godine u hotelu Hollywood na Ilidži, upriličena je ceremonija primopredaje sportske opreme Karate savezu Bosne i Hercegovine koju je donirala Karate federacija Japana, a ceremoniji je prisustvovao i Ambasador Japana Nj.E. Masami KINEFUCHI.

Karate federacija Japana obezbijedila je Karate savezu Bosne i Hercegovine opremu, uključujući 100 tatami strunjača. Oprema uključuje i karate pojaseve za takmičenje, karate uniforme i štitnike za karate. Ministarstvo vanjskih poslova Japana pokrilo je troškove transporta iz Japana. Ambasador Kinnefuchi je rekao da japanske borilačke vještine nisu samo za sticanje vještina, već imaju i tradicionalni duh razvoja "Reisetsu" (uljudnost i lijepo ponašanje) i treninga tijela i umu. Karate također igra veliku ulogu u oblikovanju djece koja odrastaju u mlađe ljude uglednog karaktera. Karate ima za cilj da razvije karakter koji će poštovati društvo i druge, i koji će se pridržavati pravila i manira društva. Izrazio je zadovoljstvo što su mnogi ljudi u BiH upoznati sa karateom, a Japan i Bosna i Hercegovina imaju za cilj da nabavku opreme iskoriste kao polaznu osnovu za razvoj karate razmjene između zemalja u budućnosti.

Ispred Karate saveza BiH ceremoniji su prisustvovali potpredsjednik, g. Denis Muhović, i generalni sekretar, g. Admir Zukan, koji su iskazali zahvalnost za ovu vrijednu donaciju. U ime Ministarstva civilnih poslova BiH, pomoćnica ministra, gđa Andja Kalem-Perić, zahvalila je na podršci koju Japan pruža sportu u BiH, uključujući karate, džudo, gimnastiku itd. Predstavnica Olimpijskog komiteta BiH, doc. dr Dejana Planinčić, izrazila je želju da karate u budućnosti postane olimpijski sport.

Nakon ceremonije, prisutni su zajedno gledali demonstraciju karate vještina koju su pokazali mladi karatisti.



PREDSTAVNICA BOSNE I HERCEGOVINE NA KVALIFIKACIJAMA ZA EUROPSKO PRVENSTVO



Merima Čelik, najbolja nogometna bh. sutkinja, koja je odnedavno u prvoj grupi ženskih sudaca UEFA, je nakon kvalifikacionog turnira U-19 uzrasta dobila novi zadatak, te je sudila meč kvalifikacija za Evropsko prvenstvo za žene.

Pored povjerenja UEFA-e, Merima je 2017. godine dobila i FIFA značku, što je svrstava u red najboljih regionalnih ženskih sudaca.

Na kvalifikacijama za Euro asistirale su joj Merima Tanović i Tamara Došen, dok je za četvrtog arbitra izabrana Vesna Miletić.

Ovo je veliki uspjeh za Bosnu i Hercegovinu, te smo sretni da kroz Erasmus+ EU projekat "Woman4Sport" koji je od izuzetne važnosti s obzirom na to da podstiče i promoviše ravnopravnost žena i uklanjanje kulturnih barijera u svim segmentima sporta, možemo predstaviti dobre prakse u Bosni i Hercegovini. Čestitamo ekipi bh. sutkinja!

Izvor teksta i foto: [Klix.ba](#) i [Radiosarajevo](#)

PREDsjEDNIK OK BIH POŽELIO DOBRODOŠLICU U OLIMPIJSKU PORODICU BIH KLIZAČICI ALESSIA TORNAGHI



Sa velikim zadovoljstvom vam predstavljamo novu članicu reprezentacije Bosne i Hercegovine u umjetničkom klizanju, članicu Kluba sportova na ledu Unity, Alessiu Tornaghi. Alessia je tokom svoje karijere postigla značajne uspjehe u umjetničkom klizanju, uključujući osvajanje bronzane medalje na Junior Grand Prixu, što je jedan od najprestižnijih turnira za mlade klizače širom svijeta. Njeni rezultati govore o njenom izuzetnom talentu i posvećenosti, a između ostalih uspjeha ističe se i 6. mjesto na Olimpijskim igrama mladih (YOG) te 8. mjesto na Evropskom prvenstvu za seniore, što je izvanredan rezultat u konkurenciji najtalentovanijih evropskih klizača. Na Svjetskom juniorskom prvenstvu, Alessia je zauzela

13. mjesto, dok je u svojoj rodnoj Italiji dva puta osvajala titulu seniorske prvakinje.

Pored svojih izvanrednih klizačkih vještina, sigurni smo da će Alessia donijeti novu energiju i inspiraciju mladim klizačima, te značajno doprinijeti našim nastupima na međunarodnim takmičenjima. Njeno bogato iskustvo i predanost sportu biće veliki uzor i motivacija za sve članove našeg tima, ali i za sve mlađe klizače u Bosni i Hercegovini koji su sanjaju o uspjehu na ledu.

OK BiH je pružio punu podršku Alessi dok započinje ovo uzbudljivo poglavlje svoje karijere u reprezentaciji Bosne i Hercegovine. Dobrodošlicu joj je poželio i predsjednik Olimpijskog komiteta, gospodin prof. Izet Rađo, izražavajući nadu da će njen dolazak donijeti nove uspjehe i svjetliju budućnost bosanskohercegovačkog umjetničkog klizanja.

Želimo Alessi mnogo sreće i uspjeha u dalnjim nastupima, uvjereni da će nas njen talent i trud učiniti ponosnim na svakom koraku njenog klizačkog puta.

AKTIVNOSTI CHEERLEADING SAVEZA BOSNE I HERCEGOVINE

15 GODINA CHEERLEADING SAVEZA BIH



Cheerleading sport u Bosni i Hercegovini pokrenut je 25.04.2009. godine otvaranjem Hrvatskog cheerleading kluba Široki. Od tada do danas razvio se u više gradova Bosne i Hercegovine te svojom atraktivnošću privlači sve veći broj mladih.

Cheerleading savez Bosne i Hercegovine član je Europskog i Svjetskog cheerleading saveza kao i Olimpijskog odbora Bosne i Hercegovine.

U znak 15 godina cheerleading sporta, klubovi diljem Bosne i Hercegovine ove jeseni, tačnije kroz mjesec rujan, omogućili su besplatne treninge za sve zainteresirane koji se žele oprobati u ovom sportu. Na besplatnim treninzima, svi mlađi moći će se testirati u Nevesinju, Mostaru, Širokom Brijegu, Ljubuškom, Gacku, Čapljini i Ledincu. Plan klubova je približiti cheerleading sport mladima, upoznati ih sa svim disciplinama koje postoje u ovom sportu, ali i upoznati ih sa kompletним načinom rada u klubovima.

SVJETSKO CHEERLEADING PRVENSTVO ZA FAKULTETE, SPLIT 2024

U Splitu se od 02.08. do 04.08. održao FISU World University Cheerleading Championship na kojem su sudjelovali sportaši sa 46 fakulteta iz 13 država. Pozivnicu da gostuju na Prvenstvu, te treniraju na podlozi za Svjetska prvenstva dobile su sportašice iz Sportskog cheerleading kluba Ljubuški, Cheerleading kluba Ledinac i Hrvatskog cheerleading kluba Široki. Mlađim, sportašicama je bio doživljaj gledati profesionalne ekipe iz drugih država. Njihovo navijanje nije prošlo nezapaženo jer su sportašice i sportaši iz ovih država nakon nastupa došli u publiku i podijelili suvenire cijeloj ekipi iz Zapadne Hercegovine.



“Bosna i Hercegovina na žalost nije među zemljama koje su sudjelovale, jer još nema razvijen cheerleading na fakultetima, a upravo ovaj poziv bio je mali korak prema tome. Moramo se pohvaliti i da je Bosna i Hercegovina na ovom Prvenstvu prvi put imala predstavnike u tehničkom dijelu na nekom velikom Prvenstvu. Deset dana u organizaciji u sportskom timu radile su trenerice iz Hrvatskog cheerleading kluba Široki Nikolina Čolak i Lana Draškić”, saopštili su iz Cheerleading saveza BiH.

HUMANITARNI KONCERT CHEERLEADING KLUBA LET'S DANCE NEVESINJE



Cheerleading klub Let's Dance Nevesinje 14.09.2024. godine organizirao je svoj godišnji humanitarni koncert u Nevesinju. Ove godine skupljena sredstva su uplaćena za djecu i omladinu s posebnim potrebama “Moja nada” iz Nevesinja. Na koncertu je klub prezentirao svoj rad u prethodnih godinu dana, a iz kluba domaćina sudjelovali su i cheerleading sportaši iz Gacka, Etno Grupa Simonida i Sveti Dimitrije, kao i mališani vrtića SV. Evgenija Carica Milica iz Nevesinja.

NOVI REKORDI BIH NA DVA TRADICIONALNA TURNIRA



Tokom dva „najstarija“ turnira u svijetu, 58. „Alpe Adria Cup“ i 33. „Blue Swords“ turniru, bh. takmičari su postavili niz rekorda Bosne i Hercegovine.

Alpe Adria Cup je prijelazni turnir, koji je ove godine održan u Splitu, dok se Blue Swords održava u Meissenu, Njemačkoj. Oba turnira održana su 06.07.2024.

Na Alpe Adria turniru naš tim je pobijedio ekipu Austrije u ekipnoj konkurenciji. Bh. takmičari su oborili 16 rekorda Bosne i Hercegovine.

Bh. tim nastavlja uspješnu godinu, postavljajući nove standarde i rekorde na bitnim međunarodnim turnirima.

NEDIM MAŠIĆ NA OLIMPIJSKIM IGRAMA NAKON TRI DESENJE

Bosna i Hercegovina je nakon 32 godine imala predstavnika u dizanju tegova na Olimpijskim igrama. Nedim Mašić, međunarodni sudija prve klase, na Igrama je učestvovao u svojstvu Tehničkog delegata (ITO). Tokom boravka na Olimpijadi, Mašić je obavio niz važnih sastanaka s rukovodstvom Međunarodne federacije za dizanje tegova (IWF), uključujući susrete s predsjednikom IWF-a, generalnim sekretarom IWF-a, te predsjednicima i generalnim sekretarima kontinentalnih federacija.



KORAK KA RAZVOJU I POPULARIZACIJI KARLINGA SPORTA

Prethodnih mjeseci, Karling savez BiH uspješno je nabavio neophodnu opremu za promociju, trening i organizaciju takmičenja u ovom sportu. Ova važna nabavka, realizirana kroz Razvojni program Svjetske karling Federacije, obuhvata nekoliko ključnih elemenata: Street curling, Ice Boss mašinu za led, te set od 32 reparirana kamena sa ručkama za igru. Street curling Express rink je inovativna verzija karlinga koja ne zahtijeva led, već se igra na sintetičkoj podlozi, što omogućava demonstraciju ovog sporta na bilo kojoj ravnoj površini. Ice Boss mašina za led koristi se za pripremu i održavanje ledenih površina, osiguravajući optimalne uvjete za igru. Dodatno, nabavljeno je 32 reparirana kamena koji su ključni za igru i takmičenja. Nova oprema garantuje visok stepen kvaliteta organizacije takmičenja i treninga, što će doprinijeti daljem razvoju i popularizaciji karlinga u Bosni i Hercegovini.



BIH OSTVARILA ZAPAŽEN REZULTAT NA MEĐUNARODNOM KARLING TURNIRU U BEOGRADU



“Drugi put zaredom uzeli smo učešće na Međunarodnom karling turniru u Beogradu, gdje je konkurenca bila izuzetno jaka. Na turniru je nastupilo 15 ekipa iz različitih zemalja. Iz Bosne i Hercegovine učestvovalo su tri ekipe, koje su ostvarile zapažen rezultat, pokazujući napredak i kvalitet igre.

Turnir je međunarodnog karaktera i igralo se po sistemu mješovitih parova, sa po dva igrača (muškarac i žena) u svakoj ekipi. Ovaj format igre donosi

dinamičnost i dodatnu zanimljivost u odnosu na tradicionalnu igru sa četiri igrača. Svi takmičari na turniru imaju dugogodišnje iskustvo u karlingu, što je bilo izuzetno korisno za sticanje novih vještina, tehnika i taktika. Učešće na ovakvim turnirima je od velike važnosti za naš Savez, koji je još uvijek u fazi razvoja, jer omogućava unapređenje organizacijskih i trenažnih procesa”, saopštili su iz Karling saveza Bosne i Hercegovine.

KIK BOKS JUNIORI OSVOJILI SVJETSKU SCENU U BUDIMPEŠTI



Svjetsko prvenstvo u kik boksu za mlađe i starije juniore održalo se u Budimpešti, okupljajući 2.253 takmičara iz 68 zemalja. Naša reprezentacija, predvođena selektorom Milanom Vitkovićem, nastupila je sa 41 kik bokserom.

Na ovom prestižnom takmičenju, bh. sportisti su osvojili ukupno 8 medalja: 2 srebrne i 6 bronznih medalja, što predstavlja izuzetan uspjeh za naš tim.

2. mjesto	Muminović Kanita	LK OJ -60 kg
2. mjesto	Maksimović Dragana	LK OJ +70 kg
3. mjesto	Merdan Allem	K1 OJ -81 kg
3. mjesto	Milić Viktor	K1 OJ -63,5 kg
3. mjesto	Radović Stefan	LK YJ -75 kg
3. mjesto	Vlaški Nikolina	LK YJ -48 kg
3. mjesto	Stojanović Jelena	LK YJ -60 kg
3. mjesto	Zildžić Isa	K1 YJ -57 kg

BIH TEAM

LEJLA NJEMČEVIĆ PRVA NA SVJETSKOJ UCI MARATON RANKING LISTI



Najbolja bh. biciklistkinja i viceprvakinja Evrope Lejla Njemčević je nakon posljednjeg upisa bodova ponovo zauzela prvo mjesto na Svjetskoj UCI maraton ranking listi.

Lejla je na Evropskom prvenstvu u maraton disciplini koje je održano u danskom Viborgu 18.08.2024. godine, osvojila srebrnu medalju, prvu za bh. biciklizam.

Nakon što je u julu osigurala 21. titulu na Državnom prvenstvu Bosne i Hercegovine, a potom i drugo mjesto na utrci Cykelvasan koja je održana u Švedskoj 10. avgusta, Lejla je izuzetnim nastupom na Evropskom prvenstvu u danskom Viborgu dodala još jednu medalju u svoju bogatu kolekciju.

Naša takmičarka je prije Evropskog prvenstva u Danskoj zauzimala drugu poziciju na Svjetskoj ranking listi, ali je nakon upisa bodova sa Evropskog prvenstva ponovo zauzela prvo mjesto sa 1.340 UCI bodova.

Naredno takmičenje za Njemčević je Svjetsko prvenstvo u Snowshoeu u SAD-u, koje se održava 22. septembra na stazi dugoj 104 kilometra s 2.200 metara visinskog uspona. Staza Svjetskog prvenstva je već od ranije poznata našoj takmičarki s obzirom na to da je na istoj protekli sezone podigla pehar ukupne pobjednice Svjetske serije.

Foto: Facebook Njemčević Amar

KENAN DRAČIĆ 5. MJESTO NA EVROPSKOM JUNIORSKOM PRVENSTVU



Mladi plivački reprezentativac Bosne i Hercegovine Kenan Dračić plasirao se u finale Evropskog juniorskog prvenstva koje je održano u litvanskom Viljnjusu. Dračić je izborio plasman u polufinale trke na 200 metara slobodnim stilom uz sjajnu trku polufinala u kojem je sa četvrtim vremenom (1:49.54) izborio plasman u finale, u kojem je ostvario plasman na 5. poziciju.

LANA PUDAR NA POŠTANSKOJ MARKICI BIH



Bh. olimpijka, najtrofejnija plivačica BiH se nalazi na poštanskoj markici Bosne i Hercegovine. Lana je ovu čast zaslужila svojim briljantnim rezultatima i promocijom Bosne i Hercegovine širom svijeta. Saopštenje Laninog kluba povodom objave poštanske markice prenosimo u cijelosti:

„Kada sa svojih 18 godina zaslужiš da budeš na poštanskoj markici svoje države, onda jedino što možeš da osjetiš je čast, ponos i ogromno zadovoljstvo što si dijelom ovog nevjerojatnog putovanja.

Imao je grad Mostar u svojoj prošlosti mnogo velikih sportista, koji su postizali vrhunske rezultate. Naročito u ekipnim sportovima. Imala je Bosna i Hercegovina, kao dio bivše države, veliki broj vrhunskih sportista koji su bili na pobjedničkim postoljima najvećih svjetskih takmičenja.

Međutim, kada pogledate kontekst vremena u kome živimo, kada vidite situaciju u kojoj se nalazi cijelokupan sport u našoj državi, kada vidite kakvi su uslovi za vrhunsko plivanje u gradu Mostaru, onda definitivno i s punim pravom možemo reći da je Lana Pudar već sada, jedan od najvećih sportista i sportskih brendova naše države svih vremena.

Hvala BH Pošti na ovoj predivnoj gesti i što su prepoznali značaj i veličinu svega ovoga što je Lana Pudar postigla i što predstavlja u našoj državi“, saopštili su iz matičnog kluba Lane Pudar (Klub vodenih sportova Orka).

EU PROJEKTI

KIDS RUNNING TOWARDS THE OLYMPICS - "OLYMPICKIDS"



U sklopu Erasmus+ projekta "Kids Running towards the Olympics – OlympicKids" – OLYMPIC KIDS, kojeg sufinansira Europska komisija, djeca iz Turske, Moldavije, Slovenije, Italije, Španije, Grčke i Bosne i Hercegovine su imali jedinstvenu priliku posjetiti otvorenje Paraolimpijskih igara u Parizu te posjetiti dio olimpijskih borilišta u periodu od 27. do 30. augusta.

Ovaj projekat ima za cilj socijalnu inkluziju djece u riziku kroz sport, što predstavlja jedan od prioriteta Europske unije.

Osnovna ideja projekta fokusira se na poboljšanje zdravlja djece kroz fizičku aktivnost, kao i na približavanje olimpizma i olimpijskih vrijednosti.

Tokom svog boravka, djeca su imala priliku posjetiti takmičenje u plivanju 29. augusta, gdje su svjedočila izvanrednim performansama sportista s invaliditetom. Ove igre su poznate po inspirativnim pričama o hrabrosti i izdržljivosti, a plivači su pokazali nevjerojatne vještine i snagu, nadmašujući vlastite granice. Paraolimpijske igre u Parizu okupljaju više od 4.400 sportista iz cijelog svijeta, koji se takmiče u 22 sportske discipline. Ove igre ne samo da promiču sportsku izvrsnost, već i podižu svijest o važnosti inkluzije i jednakosti u sportu.



OK BIH EDUKACIJE O KLIMATSKIM PROMJENAMA



Olimpijski komitet BiH nastavlja sa edukativnim radionicama o važnosti uticaja klimatskih promjena na sport i život općenito.

U julu mjesecu bili smo gosti Velikog finala Sportskih igara mladih u Sarajevu, gdje smo sa djecom iz Bihaća, Brčkog, Mostara i Gradačca, Jajca, Širokog Brijega, Čitluka i drugih gradova održali radionicu o uticaju klimatskih promjena na život i sport.

Djeca su se kroz primjere upoznali sa efektima klimatskih promjena i mjerama za njihovo ublažavanje.

Radionica nije samo o klimatskim promjenama, već o našem ponašanju i nama samima, kao o akcijama koje možemo sami poduzeti kako bi spasili naš jedini dom – planetu Zemlju.

Obrazovanje o zaštiti okoliša ključno je za borbu protiv klimatskih promjena, jer “Na mladima svijet ostaje!”

Zahvaljujući Olimpijskoj solidarnosti i Erasmus+ projektu “Ocean”, ovakve radionice će se nastaviti širom Bosne i Hercegovine.

Atmosferu tokom edukcije pogledajte [OVDJE](#).



INTERVJU SA...

LARISOM CERIĆ

OK BiH: Larisa, još jednom iskrene čestitke na ostvarenom rezultatu na Olimpijskim igrama u Parizu. Možeš li nam opisati iskustvo učešća na tvojim trećim Olimpijskim igrama?

LARISA CERIĆ: Hvala vam puno na čestitkama. Zaista mi je drago da sam po treći put uspjela da ispunim normu i da se kvalifikujem na Olimpijske igre. Put do olimpijske norme nije bio nimalo lak, ali sa mojim trenerima prof. dr Branislavom Crnogorcem i Arijanom Jahom, uspjeli smo da izguramo taj olimpijski ciklus i da se kvalifikujem na svoje treće olimpijske igre. Mogu reći da sam prilično zadovoljna. Nije možda rezultat koji sam ja željela i kojem sam se nadala, ali sve u svemu, sedmo mjesto, plasman u četvrtfinale, pa ne mogu da budem nezadovoljna s obzirom na cijelokupnu situaciju u bosanskohercegovačkom sportu. Najviše mi je žao što nisam ja ta koja će donijeti tu olimpijsku medalju, ali vidjećemo. Četiri godine su ispred mene i vjerujem da ću uz naporan rad i trud i dosta odricanja uspjeti da ispunim normu za Olimpijske igre u Los Anđelesu.





OK BiH: Sa kakvim si se izazovima suočila tokom Olimpijskih igara i kako se nosiš sa pritiskom i očekivanjima, posebno u trenutku kada se takmičiš na najvišem nivou?

LC: Bilo je dosta izazova. Imala sam nekih, što malo većih, što malo manjih sportskih povreda, ali uspjeli smo to u nekom rekordnom vremenu da saniramo i mislim da sam bila u jako dobroj formi na Olimpijskim igrama i ostaje žal za tom olimpijskom medaljom jer taj dan sam se baš dobro osjećala i mislila sam iskreno da mogu možda doći u borbu za bronzu, ali evo Bože moj, na kraju ne mogu da budem nezadovoljna, dala sam sve od sebe i predstavila sam i

sebe i džudo sport u Bosni i Hercegovini i svoje trenere na najbolji mogući način.

OK BiH: Da li imaš neki ritual ili običaj koji pratiš prije borbi i koji ti pomaže da se koncentrišeš?

LC: Svako od nas vrhunskih sportista i sportista na malo manjem nivou sigurno da ima neke svoje sportske rituale, tako da imam i ja. Od onog momenta ujutru kada ustanem do momenta kada uđem u sportsku dvoranu na dan takmičenja, uvijek radim iste stvari. Moj ritual je da uvijek sa boćice iz koje pijem vodu skinem etiketu i da majicu u kojoj se takmičim obučem naopako, tako da to su moja dva sportska rituala koja ja praktikujem sigurno zadnjih 15-16 godina.

OK BiH: Svjedoci smo izuzetne podrške koju si imala od kompletne BiH javnosti, među kojima je mnogo mladih ljudi. Koja je tvoja poruka njima?

LC: Jako sam zahvalna cijelokupnoj bosanskohercegovačkoj sportskoj javnosti kao i svim ljudima, Bosancima i Hercegovcima. Dobila sam zaista ogroman broj poruka podrške i vidim koliko je to moje dobro učešće na Olimpijskim igrama ljudima bilo draga i koliko su ljudi slavili svaku moju pobjedu i koliko su, kada sam u konačnici završila na sedmom mjestu, bili ponosni na mene, s obzirom da je takva situacija u bh. sportu da ljudi koji prate sve nas sportiste su jako sretni kada odemo na tako jednu veliku manifestaciju i predstavimo se u tom nekom najboljem svjetlu. Zaista hvala svim mojim Bosancima i Hercegovcima koji su bili uz mene i prije Olimpijade i na sam dan takmičenja i svim medijima i portalima koji su iz minute u minutu pratili cijeli taj dan. Mogu reći samo da sam jako, jako ponosna na tu činjenicu da sam usrećila veliki broj ljudi koji su ljubitelji sporta i sportista u Bosni i Hercegovini.



Copyright: © David Ramos/Getty Images

OK BiH: *Znamo da si po povratku sa Olimpijskih igara odmah nastavila sa treninzima. Koje su tvoje sfere interesovanja pored takmičarskog džudoa i da li u slobodno vrijeme radiš na nekim novim inicijativama ili projektima?*

LC: Trenutno se sada nalazim na džudo pauzi. Do kraja godine neću imati nikakvih turnira što se tiče džudoa, jer zaista mi treba odmor. Prije Olimpijade dok su bile kvalifikacije i period na Olimpijskim igrama je bio zaista naporan tako da ću uzeti period do kraja godine da se odmorim od svih silnih treninga. Normalno, treniram kao i svaki sportista, jer ne možemo prestati da treniramo. Trenutno se bavim fizičkom formom i mislim da će mi kada krenem sa džudoom biti dosta lakše da uđem u svoju džudo formu. Sljedeće sedmice pokrećem svoju malu džudo školu gdje ću raditi sa djecom uzrasta od 5 do 10 godina. To će biti sve početnici i zaista se radujem tome i jedva čekam da krenem sa tim, jer u konačnici mislim da imam šta da pokažem djeci koja će doći kod mene da treniraju.

OK BiH: *Hvala Larisa i srećno u narednim sportskim i profesionalnim poduhvatima!*



Copyright: © David Ramos/Getty Images

ZAVIRITE U DRUŠTVENE MREŽE OK BiH (klikom na sliku)

Građani naše zemlje sa velikim nestrpljenjem prate dešavanja iz Olimpijskog sela i vjeruju u uspjeh našeg tima, pružajući im nesebičnu podršku sa svih krajeva svijeta.



THE YOUTH
OLYMPIC GAMES
PARIS 2024 ROUNDTABLE
- Innovations and Opportunities -
Date and Time: 6 August, 9:30-11:30
Location: OF2, Hyatt Regency Paris Etoile, IOC Room 3

51 4 +6 Liked by isidora_borovcanin and others olimpijski_komitet_bih Međunarodni olimpijski komitet održao Okrugli stol za buduće organizatore Olimpijskih igara za mlade.



← Posts

244 1 5 olimpijski_komitet_bih Foto momenat iz jutrošnje borbe 🥊🔥

OK BiH | Izjava Miroslava Randelovića, fizioterapeut... 0:39
OK BiH | Road to Paris 2024 Podcast | Aleksandar... 20:24
OK BiH | Road to Paris 2024 Podcast | Jovan Lek... 14:57
OK BiH | PRESS HIGHLIGHTS | Olimpijske ... 0:58
OK BiH | Road to Paris 2024 Podcast | Mesud Pe... 66 views · 1 month ago

i mogućnostima za budući razvoj sporta u Bosni i Hercegovini. Predstavnici OK BiH su istakli značaj institucionalne podrške za uspjeh sportista, te su izrazili zahvalnost Ambasadi BiH na pozivu za prijem koji je upriličen u sjedištu Ambasade Bosne i Hercegovine.

Kompletну vijest pročitajte na linku [↓ ↓ ↓](#)



Delegacija Olimpijskog komiteta BiH u posjeti Ambasadi BiH u Parizu

Pratite nas na društvenim mrežama:
(klikom na ikone)



©2024. Olimpijski komitet Bosne i Hercegovine.
Sva prava zadržana.

www.okbih.ba

Specijalnu zahvalnost dugujemo sponzorima i partnerima OK BiH.
Klikom na logo posjetite njihove oficijelne stranice.



Moja priča.

